

Kawal diri sendiri

S HAH ALAM: Pemantauan ketat daripada pihak berkuasa dan ibu bapa amat perlu dalam menangani isu membabitkan laman web pornografi yang semakin berleluasa kini.

Pensyarah Kanan, Jabatan Komunikasi Fakulti Bahasa Moden dan Komunikasi Universiti Putra Malaysia (UPM), Dr Megat Al Imran Yasin berkata, sekiranya masalah ini tidak diatasi segera, ia boleh merosakkan pemikiran anak muda yang mudah terpengaruh dan sentiasa ingin mencuba sesuatu yang baru.

Katanya, cara terbaik untuk mengekang keadaan ini ialah melalui diri sendiri yang perlu mengawal segala perbuatan tidak elok dan memilih jalan yang benar.